



- gna po- lórum.

DIE V. OCTOBRIS.

B. RAYMUNDI A CAPUA CONF. ORD. PRÆD.

DUPLEX.

Oratio.

DEUS, qui beátum Raymúndum, Confessórem tuum, insignem perfectiónis evangélicæ magístrum, et apostólicæ auctoritátis fidélem assertórem esse voluísti : concéde propítius ut ejus exémplo vivéntes in terris ꝫ cum ipso coronári mereámur in cælis : Per.

In j. Vesperis Memoria Ss. Placidi et Sociorum Mm.

Oratio.

OMNIPOTENS sempitérne Deus, qui hodiérna die beátum Plácidum cum Sóciis suis per martyrii palmam ad regna sidérea sublevásti : concéde propítius ut quod in eórum festivitáte depóscimus ꝫ ipsórum intercessióne cónsequi mereámur : Per.

DIE VI. OCTOBRIS.

S. BRUNONIS CONFESSORIS.

DUPLEX.

Oratio.

SANCTI Brunónis Confessóris tui, quæsumus Dómine, intercessiónibus adjuvémur : ut qui majestátem tuam gráviter delinquéndo offéndimus ꝫ ejus méritis et précibus, nostrórum delictórum véniam consequámur : Per.

DIE VII. OCTOBRIS.

B. MATTHÆI CARRERII CONF. ORD. PRÆD.

DUPLEX.

Oratio.

EXCITA Dómine in córdibus nostris Crucis et Passiónis amórem : ut beáti Matthæi intercessióne et exémplo ꝫ dolórum Christi partícipes efficiámur et glóriæ : Qui tecum vivit.